

Bernard C Hakerek Karta Ba MKOTT, Bernard & Witness Sei Kontinua Ajuda Timor

Tafara.tl Zevonia Vieira



Caption: Bernard Collaery ne'ebe hetan prosekusaun judisial hosi governu Australia. [Foto: Copyright The Canberra Times | 25.08.2019]

Liga ho Movimentu Kontra Okupasaun Tasi Timor [MKOTT] ninian solidaridade ba Bernard Collaery no Witness K, ne'ebe hetan presekusaun judisial hosi tribunal Australia.

Liu hodi karta ne'ebe Bernard hatoo, nia esplika "Bodik ba hau nia kolega sira ne'ebe mak hamahon an iha MKOTT katak Bernard orgulhu tebes tanba ajuda ona povu Timor hodi luta ba justisa. Hau sei kontinua ajuda nafatin maske hau nia an no inklui hau nia kolega Witness hetan presekusaun judisial", hateten Bernard ne'ebe esplika liu hosi karta

MKOTT mos halao ona asaun solidaridari ba Bernard no Witness liu hosi konferensia da imprensa no mos halo exhibisaun hodi hatudu oinsa kontribuisaun hosi luta ne'ebe sira halo ona hodi defende Tasi Timor iha tempu naruk nia laran.

Witness K mak fo sai informasaun katak Australia ninia intelejensia tau kamera iha salaun palacio governu no mos ninia advogadu Bernard Collaery no nudar mos advogadu ba Xanana Gusmao, ne'ebe sempre hamrik iha povu Timor-Leste nia sorin, maske iha situaun defisil no sira tenke prosekusaun.

Bernard Collaery depois de masakre santa cruz 1991, konsege organiza manifestasaun boot ida iha embaixada Indonesia nian iha Jakarta, halo protesta boot hasoru governu Indonesia. Bernard mos akompanha Xanana Gusmao bainhira hetan kapturasaun iha Tribunais oioin, hodi defende kazu violasaun direitus umanus iha Timor.

* [Zevonia Vieira | TAFARA.TL | 25.08.2019]